



Chamna Aw

(A Monthly Organ of the Evangelical Synod Church)

Vol. XXXI

No. 4

July, 2016



2016 Kum thupi:
KHAWVAK CHATE BANG IN UM UN

Eph: 5:8

Editor: Rev. Thangkhoiem

Chamna Aw

(Evangelical Monthly)

Regd. No. 64436/96

E-mail, e7s7c7@gmail.com

www.synod church.com

Alak man apat ₹

If undelivered pliz return to:

ESC SECRETARIAT,

Chiangkawpang, Churachandpur,

Manipur - 795158

7a:

PIN

--	--	--	--	--	--

Published by Rev. Thangkhoiem on behalf of the Evangelical Synod Church
Printed at: THAWNSAAU PRINTING WORKS, CENTRAL LAMKA.



CHAMNA AW PHUNGVUKNA DING	
1. Chief Patron	₹ 5000,00
2. Patron Member	₹ 4000,00
3. Diamond Member	₹ 3000,00
4. Gold Member	₹ 2000,00
5. Silver Member	₹ 1000,00

Chamna Aw

SUOHPAT KUM 1986

a sunga thu umte

- Editorial..... 01
- Puitu pawimawh zie 04
- Poly Carp 07
- Tihna apan a suokcha..... 11
- Foundation det leh muonum
apawimawh hi..... 14
- Insung limsaklo nulepate..... 15
- Gingtue thihna chuh..... 21
- ESC Tuilanguol Biel
Khanglai Camp Report..... 24
- ESC Workers' Seminar 2016 27
- Synod HQ. Area Khanglai Camp..... 31

EDITOR ANA HITE

1. Upa Lalkhoin	1986
2. Rev. Khaigin Gangte	1987-2005
3. Rev. Lamkhawst	2006-2013

Vol. XXXI No. 4
July, 2016

EDITORIAL BOARD

Chairman:
Upa Dr. L.S. Gangte, M.A. M.Phil.

Editor:
Rev. Thangkhoiem M.Div.

Asst. Editor:
Rev. K. Siemlien B.D.

Associate Editor:
Rev. Khaigin Gangte B.D.
Upa Paozalun B.A.
Rev. L. Sata B.Th.

Bible Study:
Rev. T. Kamgin Gangte M.Th.
Evan. Paukhomang B.D.

Contributing Editor:
Upa Th. Manggul B.A.
Rev. T. Kampu M.Th.
Rev. Henkholien M.B.S.
Pastor Khaithinang B.Th.
Evan. L. Minthang B.Th.
Miss Chinboi MRE

Circulation Manager:
Mr. Paubik, Secy. SEB
Mr. Letkhokam, Cashier

- Kumkhat lakman Rs. 150/-
- Thusuoh nuom nei te'n ESC Office Post Box-54, Chiengkawnpang, Churachandpur a thak ding.
- Ala nuom leh a man pie nuom te'n circulation Manager, hetsak ding.
- Thukisuoh cheng hi ESC Ngaihnan ahi vek khel puoi. Article zikte'n a mawh a kipuok chiet ui.

CHAMNA AW PATRON MEMBER LIST

CHIEF PATRONS:

1. Pu S. Paukholal	Chief of Bunglon	1994
2. Ebenezer Chapel	D. Phailien	2014
3. ESC Shillong	Shillong	2014
4. Mr. S.K. Juiliana	Lamphel	2014
5. Nk Sawmte K. Gangte	Fujairah,UAE	2015
6. Nk Esther Tinglamkim	Gangte Veng	2015
7. Pu Thangzago (K.Vawmcha)	Chiengkawnpang	2015
8. Langol ESC	Langol	2016

PATRON MEMBERS:

1. Pu Henkhojam	Siempat	1994
2. Sep. L. Gangte	5th Assam Regt.	2003
3. Dr. Lalzazdal	Chiengkawnpang	2004
4. Upa Niala	Shillong	2004
5. Pu P. Gangte	Shillong	2004
6. Pu B. Manga	Shillong	2004
7. Pu S.T. Gangte	Shillong	2004
8. Pu Lalkithang	Delhi	2004
9. Rev. Dr. Sosen	Dimapur	2007
10. Rev. T. Kampu	Guwahati	2008
11. Pi Phalneihthiem	Dehradun	2008
12. Pu B.K. Gangte	Dehradun	2008
13. (L) Hengo	Chief of Chongmun	2010
14. Upa Dr. L.S. Gangte	Chiengkawnpang	2011
15. Pi Niengzalam	Chiengkawnpang	2011
16. Pu Sangvung	Chiengkawnpang	2011
17. Pu S.K. Gangte	Shillong	2011
18. Pu Lovejoy	Kohima	2013
19. Pu Goginthang	Shillong	2013
20. Pu L. Minlung Gangte	Shillong	2013
21. Pi Lalkim	Shillong	2013
22. Hav. H.L. Gangte	Shillong	2013
23. Ms. Grace Lalbiek	Guwahati	2013
24. Pu L. Neihsiel	Shillong	2013
25. Pu Lamtinlien	Shillong	2013
26. Pu S. Thienlaljoy, SDO	H.Q. Veng	2013
27. Pu L. Sawia	Gangte Veng	2013
28. (L) Lt. Col. L. Gangte	Chiengkawnpang	2013
29. (L) Upa K. Manga Gangte	Shillong	2013
30. Rev.Dr. Th. Lamboi Vaiphei	Hill Town	2015
31. Pu K. Pauboi Gangte	Chiengkawnpang	2015

DIAMOND MEMBER:

1. Upa Lamkhodem	Chiengkawnpang	2015
2. Mrs Felli	Chiengkawnpang	2015
3. Moizokim (Chloe)	Lamphel	2015
4. Pu Lama B. Gangte	Langol	2016

GOLD MEMBER:

1. Pi Niengneihchoi	New Delhi	2014
2. Agape Children Eng. Jr.H/S.	Ithing, Moirang	2016

SILVER MEMBER:

1. Pi Sailothangi Thangzom	Old Lambulane, Imphal	2014
2. Antioch High School	Abicharan Tripura	2014
3. Upa Thanglal	Bijang	2015
4. Upa Lalintinhang	Gangpimuol	2015

Chamna Aw

VAN KHAWPI A EI NA CHAWLH SANTA

Upa Lalkhokam Gangte (87)
F/o Evan. Paukhomang, Secy. CKKP.

Upa Lalkhokam Gangte hi 04/01/1929 kum in Khanpi khuo ah apieng hi. Nu-le-pa zu ne insung a kipat in 1944 kum in Lailong(S) ah Sawlchak Henpu khut ah Pathien thu awi in ana ki piei. Azi ngaihtak Mrs. Taizalam d/o Khupzasong of Khanpi tawh Sapchuom dan thiengtho in Pastor Vangzadal khut ah March 26, 1954 kum in Lailong(S) Ho-In ah kichenna anei ui. Manipur Christian Synod hihlai in Saichang Biel Presbytery member in ana pang a Nunghatang Mission School ana ngen a piek in ana um hi. 1962 kum a zie school a teacher nasem a hung masapen chuh Rev. Nekkholam ahi. 1954 kum mah in Satudai ah phailo bawldin ana kuon a zietak achun Ho-In amah lamkaih in ana phut dawk ui. Adang dang Ho-In amah malatna a kiput dawk haw chuh: 1981 kum in Silen ECA Church, Leimatak P/H ah puhdawk ahi. 1986 kum in Leimatak Power House a NHPC worker Meitei, kawh leh ei thingtangmi cheng kikhawpna ding in Employee Christian Church ana phut dawk hi. Zie tak a Belampu ding mah chun June 14, 1987 kum in Rev. Dr. T. Lunkim President Trulock Theological College in Imphal Christian Church ah ordain ana bawl hi. A pension macheng 2006 chan in ana enkawl hi.



Amah hi nitak chenga In-sung kikhawp kai huoi zo Pathien muong, Pa taima tak leh ginum ahi. Office lui a furniture kitaksap lai in memorial gift in sum a kikhawp kham in ana pang hi. Chuleh, tua office thak Secretariat saklai inle cheng 5000/- tuok in ana panghi. Khat vei vei sapchuom hungkiling sek mahleh Sapchuom dinga ginumtak leh pa suon umtak ana hi, a umna lam cheng ah sapchuom puitu leh sumching in apang zing sek hi. Date 15/05/2016 Pentecost ni'n diabetes leh chuop natna ahung puong a date 16/05/2016 ni'n a in-kuote cheng kisamkhawm din a gen a, tichun acha, atute ahung thei ding cheng akim phet un date 18/5/2016 nitak dak 07:00 – 12:00 p.m. chan kithakna thute gen in a cha leh tute, mite cheng vang piekna a nei hi. Azawh 20/05/2016 zing 06:30 a.m. in District Hospital ah admit in aum ngal hi. Zie nitak dak 08:00 in District Hospital special room ah kithakna nunung pen ding in Upa Dr. L.S. Gangte paucham din a sam a, a veh te cheng chibai ngapcha bek talou in a khut in 'Bye-bye' a bawl thawh hi. Dak 10:00 pm chan in vehtu dang dang a nei nalai hi. 12:00 pm vel in oxygen leh drip kikhawp kawm in ahung lah huoi huoi a, zing lam dak 01:05 (Saturday) ahung hih tak in Kiginni leh thi ding ka hi atih bang in ei kuol sak un a ti a, a vak siel uh leh a mit a sing a, a mit kang le alek puoh a, sat le kihat se lo in thawhkitna zing nino suok ma cheng a ding in a ipmu paitai. Athih ni'a sakding la leh Bible simding aguonggalh lawksa bang in thamuonna thuchah gentu Rev. Khaigin in a Bible chang deih **I Corinth 15: 15 – 37** asim a, a la deih "**Khawvel ka In ei puo**" tih sak ahi. Than a vuhna dinga a tel, "**Nisa tumna khel lam a khun**" tih la sak pum in Pastor T. Doukap, Supt. Phai Biel ESC in 04:00 p.m. in Tuibuong Thanmuol ah a vui tai. Zie ni hin avuih phat chet tihloh in guoh ahai puo a zie ziek tak chun a vui a hungcheng in Pathien lopi dan amu chiet uh ahi. Lopina cheng cheng Lalpa'n chang hen la. Lusunte Pathien in umpih zing taken.

Editorial

PHAT KIZENPET

Thil bangkim a ding a hunbi um chiet a hih dan Thugenpa lehkha bu bung 3:1-8 na ah kichientaka gen in aum hi. Pathien in bangtieng a hunpha ei siemsak ahim? Hunpha tamtak a chieh liemta mai thei a, bangti a mang i hui em, tuchung hin ei mau hunmatdan ki-enchien a, khawvel sietna lak a hi, pilvang taka taksa leh thagau a dinga kimang dingin Pathien min in ka hun chiel hi. Hun leh phat chieh zeldan tangpi.

- | | | | |
|----------------|------------------|----------------|------------------|
| * Pien hun | - Tih hun. | * Thilphuh hun | - Bawhdawk hun. |
| * Suklup hun | - Sukdam hun. | * Phiet hun | - Sakkit hun. |
| * Kah hun | - Nuih hun. | * Thehzak hun | - Luokkhawm hun. |
| * Kipawm hun | - Kipawmluh hun. | * Muhdawk hun | - Mansak hun. |
| * Vawpphat hun | - Paihmang hun | * Bawhthek hun | - Khuihphat hun. |
| * Hehpil hun | - Muhdah hun | * Kido hun | - Kicham hun |

Tulai thil umzie hetchien apawimawh hi (Rome 13:11). Tulai a thil umdan leh a hungtung zelte hi etin, thil bangkim hi a kinawh mah mah tai tih a muh theih hi. Aphalam a khanna leh a sielama khanna a hat mah mah hi. Khawvel a thil hungtung zelte zieka kipak la beilo; khawvel a thil hungtung zel haw zieka dah la beilo ahi. A sie-le-pha hungtung zel te hi Pathien lopi zie ei muhsaktu leh Pathien lam ei naihsaktu a hih a pawimawh hi. Pathien tello in bukimna a um puoi tih he kawma, tulai thil umzie haw a kipata hinna siemthaka Lalpa lam naih chiet apawimawh hi. Tulai taka thil umzie akipata hi chingtheitaka hinkhuo mat a pawimawh ahi.

Tuhun hi Lalpa hawl hun chu ahi. "Nanguh dingin diktatna kituh unla, lungsietna diktak chu at un, na lei siet u chu let unla; Lalpa hawl hun ahi ngala, hungin natin na chung ua hukdamna hun sungtha ding ka hi" (Hosea 10:12). Tulai hun hi Diktatlohna hun, Pathien gamlatna hun, Buoina, Natna tamna hun, Kipawngbawlina hun ahi kitileh genval hilo mai thei ahi. Zie hun tak hi Diktatna delh a, Pathien hawl hun ahi. Pathien longal ei panpih leh ei hukdama ei sudam thei umlo ahi.



Tuhun hi sukkhelh tamna hun ahi. “Na bawhsietna hawu tamdan leh, na gitlohnau a nasatdan ka he ngala; mi diktatte na sugimthei ua, gawlhgukna na lau a, kulhkawtkhak ah mi gimtheite chanvo ngeile **pie phallo te haw**” (Amos 5:12). Khawvel mite muhleh Pathien mitmuha mitin sukkhelhna tam hun hi ding ei ve maw? Mi sukkhelhna i mu thei chiet a, ei mah sukkhelhna mutheiloin, ei mau thiem kichan chietin, midangte diklohna gen in nuomsa takin i khawsa chiet tau hi. Pathien in i bawhsietnau tam dan leh i gitlohnau nasatdan a mu chien kei hi. Kuo hin bang gitlohna bawl a him tih Pathien in a mu zing hi. Kisel leh ki-im in um puoi tiu. Lalpa lam bel chiet hi tiu.

Tuhi hun kipahum, Hukdamna ni, tuhi apawm hun chu ahi (II Kor. 6:2).

Bang tienga gilo leh manloh hi leu hingle, Pathien lungsietnan ei ngakna laia; hunpha ei pie a i chung ua zahngai a hi tih hetchiet a pawimawh hi. Mitamtakte Thanmuol ah a liem tau a, mahleh nang leh kei chu Pathien in Hun kipah um, kigelna ding, kisikna ding hunpha, sep theihna hun ei siemsak hi he zing hitiu. Zie bang hun kipahum hi hungbei thei ahi. Hunpha i neih sung un Thagau hinna ding lam zuonin tai hi tiu.

Hukdamna Ni. Taksa leh thagau lam a hukdamna bukim i chantheihna dingun Lal Isu’n Kross ah ei hung tan tai. Migilote hukdamna ding lampi Bible in ei sinsaka, Pathien mite mangin Chanchinpha i heu a, zie hi ngainep mai puoi tiu.” **Mi khenkhat in, Lalpa chuh muong a sak bangun, a thutiem hih ding chun a muong hiel puoi. Kuomah manthai deihlo a, mi cheng cheng, a gitlohnau apat lunghei dinga deih zawn, Nanghaw zieka lungdieh ahi zaw ie**” (II Peter. 3:9). Mi gilote kisikna theihna hun leh mite a hukdam nawpna hun chu hung bei thei ahi. Hukdamna ni hi sawt ta puon a. Khawvel hi bei zieng kilele Hukdamloh a bei mangthei, thi thei zing i hui hi. Tu hun laitak hi ahi bangkim a dinga pawimawh; zing khu mukitlo thei i hui hi. Tulai taka i kimatnau; i chiehnau, i thil chinteu, i khawsakdanteu hin, tununga i dinmun ding u chu a zuon zing ahi. Tulaitak hun hi mat thiem a pawimawh hi.

Vaihawmna pat a hun tai. “Vaihawmna chu pat a hun ta a, Pathien mite chung a hin pat hi ding ahi... Pathien a pat a Chanchinpha gingchalote tawpna ding chuh bang tawbang phet ahi ta dem?” (I Peter 4:17). Pathien vaihawmna a kipat a suokcha ding khatchale a um puoi. Gingtute leh Ginglote le hunkhat chu Pathien in ei vaihawm khum ding ahi. Mihingte

SYNOD HQ. AREA KHANGLAI CAMP

Venue : Jakob Taona Mol, Gelmol

Date : 2nd – 5th June, 2016

Thupi: “... na Pathien tuok di’n kisazo in” (Amos 4:12).

Camp Speaker : Rev. Dr. Kh. Khaizakham
Camp Director : Upa Paukap
Camp Bible Study : Evan. H. Khamminthang, MA, M.Div.
Mess Incharge : Upa Ngullien & Pu Letkhokam
Transport Incharge : Pu Lalsang & Pu Helim
Sponsor by : India Collaboration

Lalpa’n I pauchamnateu a dawng a, buoina haksatna tamtak lak ah zing nino hungsuok guol in, Khanglai Camp nuomtak leh lawhting taka matzawh ahi. Lalpa lungsietna chang in, Thagau Thiengtho pawlna nasatak tawh, mangthai hukdamna hung chang, Pathien apata gamla taka ana vakmang, hung kilehkitte leh kipah thawmgi nasatak zaka um in, hun mat zawh ahi.

Campers 107 ahungkhawm ua, a sunga nasem, tawivielte haw pum in, mi 120 vel nicheng in a kisutuoh zing ui. Zie hunsung hin lawiupate’n ahung vehtha zel ua, Jabez Prayer Team te le ni 2 sung paucham gun mawng mawng dingin ahung ui. Mitthi luonga, pauchamna tamtak tawh Pathien masanga tut zing ahih ziekin kinepna khellam ah, phuloh malsawmna nasatak dawn ahi a, zie haw cheng hih Pathien zahngaihna ziek ahi a, a lopi mah mah hi. Halleluija, Lalpa lopina chang ta hen.

Chun, mun leh muol kitup tak, nuomtak, phalna ei pie a, ei matsak, ECA Mission Director, Rev. Paozathang Singson leh Jakob Prayer Mount Committee te chung ah Pathien mina kipathu suklat ahi. Lalpa’n amau pui in, vangsak zel hen.

*Upa Paukap
Camp Director*

14. Nehemiah lawh tit na kha a vision ziek ahi. Ziekchun vision hi semtute vision bei a um khak ding lauh a um mah mah hi.
15. Sawlchak Paul kha mi chieh khak loh na, chieh nuom loh na mun a le a chieh hi. Mi ut lohna mun/chieh khak loh na mun haw hi opportunity guol a I lak ding ahi a, lawh le a ki lawh ting nuom zaw ahi.
16. Chiemnuih bawl, tawt leh thutak loh a um lo dinga ki ven phat ding ahi. Zahum tak a um thei ding a um ding ahi.
17. Workerte lak ahin pankhawmna leh ki deihsakna hi hat zaw sem in neih guoi tiu.
18. Job description of workers hi written in um thei leh
19. Danbu i neih ngal leh ki zui zieng leh pha lo ahim.
20. Training or further studies ki khak hi hawn kit hi ta leh pha lo ahim.
21. Biel fang ten khuosung ahin damlo or pauchampih ngai a um em/ meithai chagah a um em tih dawng masa pen leu.
22. Pastor in local department cheng kimuhpih hen la, kum khat sung a sep dan ding a deih uh dawng in (camp/seminar/etc), apha pen kha year planner a kawih hi leh
23. Pastor a ding in hun seh khat hi tha cheng in local sapchuom tin ki nei thei leh pha lo ahim, ze dungzui a chu pastor in le monthly schedule a siem thei din.
24. Workerte leh mipite i hat dan/thagaumi dan ki bang zieng i hi uh chun bangtin i effective thei ding um? Mipite ettawn theih dinga hin ding ahi.

Workers Seminar a hungtel te'n sapchuomte veh ding a lawi-upate'n ana guon bang un, Date 25/06/16 Kiginni tak in group nga a kikhen ahi a, C.C.Pur town sunga Sapchuom umte vehna neih ahi. Date 26/06/16 Pathienni 09:00 a.m. chet a Secretariat a kipat dawk ahi a, Khouabung, Bunglawn, Phuosanbung, Muolhoih, Throiluok vehna neih ahi a, Pathienni pumpi Sapchuomte tawh hun mat khawm ahi.

Note:- Tuchung Seminar hi hun dang sang in hun mat dan leh kicheina lam ale I khangto zaw tau a, Phone ring khatvei chauh tih loh het ahi puoi.

masang ah kisel in hetloh in mi a suokcha thei mai thei a; mahleh Pathien hing masang ah kuomah suokchalo ding ahi. Pathien in a chapa mang a hukdamna thu leh Pathien deihdan a hun phuondawk haw hi i limsak loh chun, Gawtna thu kigen cheng hi ut leh ut loh thu hi loa i chung ua tung vek ding ahi. Pathien vaihawmna masanga ding dingin kisak zawh guo chiet hi tiu.

HUN MANTAM DAN

- Kumkhat lul dan na hetnawp chun - Student fail te dawngin.
- Tha-khat lul dan na hetnawp chun - Nauneih tha tingloa neite dawngin.
- Chawlh-kalkhat luldin na hetnawp chun - News Editorte dawngin.
- Dakkal khat luldin nahet nawp chun - Mi angaihzwangte tawh kimutuoh dinga kingakte dawngin.
- Second khat luldin na het nawp chun - Accident tavanga a suokcha ham-hamte dawngin.
- Second kimkhat luldin na het nuom chun - Olympic game haw a k i c h i e m - A z a w h n a change dawngin.

Khenchuom neiloa mi cheng cheng kawm a hun lemchang pietu chu Pathien ahi."A hun leh hun lemchang kibang chieta a mau kawma hungtung ahi"(Thugenpa 9:11). Phat kizenpet kichawka Taksa leh Thagau a dinga mangthiem thei dingin Lalpa'n simtute vangsak ta hen.



HETSAKNA LEH NGETNA

Sapchuom a dinga organ umsun "Chamna Aw" hih deihsaktute panlakna leh Pathien lungsietna ziekin tuni tieng in achiehtha zel a, mi tamtaka dinga vangsakna pietu le ahi tai.

Mitin in theitawp suoh a panlaa, phungvuk a, sim ding leh pauchampih zing dingin ka hun ngen ui. Article le huntina pawimawh zing ahi.

- Editorial Board



PUITU PAWIMAWH ZIE

By: Rev. L. Sata

Thagau mi puitu telna leh hawlna hih mihing khuta um ahi puoh a, bangkim hihthei Pathien khuta um ahi.

“Lalpa chun Amah lungthim pu mi a hawl hi” (I Sam.13:14)

“Na kawma amin ka gen chuh kei a dinga thau na nuh ding ahi” (I Sam 16:3)

“Ka nasem David ka mudawk tai” (Sam 89:20)

“Amau ading chuh leng ka guotsak tai” (I Sam. 16:1)

“Amah chun khat a kawihniem a, khat a dawmsang sek hi” (Sam 75:7)

Ephesi khuoa Sapchuom upate kha Thagau Thiengtho in a guot ahi ti’n Sawlchak Paul in a gen hi (Nas.20:28).

Pathien guot leh Pathien puih lawiupa ding dawl takte chun Pathien khutnuoi ah lamzanna, kiphat theihna a tun sek hi. Mihing tel mai lawiupa diklo achun Thagau a lawhtitna aum thei puoi. Lawiupa ahin thil akinga lien mah mah a, mipite chuh lawiupa dungsun ahui. Pathien mitel hawlna ding akhan Samuel khah pawlam latdan enlo dingin Pathien in tukgakna thu a pie masa kha. Pawlam latdan na etloh ding ahi, zie chuh midangte sanga chungnunna mai ahi. Mihing hihna et leh umna haw a thutanna siem mai lo dingin a tugak hi. Lunggil a kisel, Thagau lam dinmun en a, a hawl ding, Thagau lam hihna (spiritual quality) neilo khawvel lam (naturally gifted) a thilpiek chauh nei lawiupa

a tel sanga lauhum zaw umlo ahi. Zie haw cheng hi Bible ah suklat (illustrated) ahi a, Sapchuomte ah akilang (demonstrate) to zel hi.

Krista’n a teldawkte puitu chuh mivantang mah mah hileule sukhansana um ding ahi tih lunggel leuhing deihum in a. Peter leh Andrew, Jakob leh Johan, Thomas leh Matthai, I heu a, I ngainau hi. Himahleh, adang mi hah hetlohte khale Thagau Thieng a dim, chunglam thilhih theihna a thuom, Philip khale, mi zaingan ataka semdawk mi ahi kha. Lekhathak a zik a kihe puoh a, sangpen hihna a muh le a kihe puoi, himahleh, thilhihtheihna a thuom in a um a, nasep tangpi sem in, Sapchuom ah hetpihtu na a sem hi. Bartholomai leh

5. Vision 2017 year planner a tel man tei ding in KKP, SWS, BCE, Education, M&E, Finance, Saichang Biel, Tuilanguol Biel, Phaibel a Biel Superintendent leh Area Pastor ki he tuoh in Biel a nasep dan ding leh ministry budget haw hun siem uhenla etkhawm zel hileh tih deih dan ahi.
6. Workers promotion hi a um bek puoi. Ahih theih chun worker te hi aman a zil (fit) phawt chun promotion sak zel pha lo ahim. Etsaknan, Clerk a kila bang chu a fel/fit chun pastor chan in promotion sak thei leng.
7. Dan leh muol bangtin siem thak in sang leu hin le a semte I ki then loh u chun phachuom tak tak lo ding ahi. Zeziekchun, workerte hi refresher course or training a sawl zel theih hileh phasak ahi.
8. Workers’ Seminar hi mat zel phasak ahi, Bible thu haksa haw genkhawmna ding, thagau lam a ki suk hat thakna ding a mat zel phasak ahi.
9. kifulpuhna (foundation) guol ahi.
10. I bulpi apat thusuok guol zel a I sep ding ahi a, thiem leh thiem loh thu chuom I khawmpi deih dan a sep ding ahi, I khawmpi thupukna dung zui a sep chu Pathien deih dan le ahi ti a ngaih ding ahi..
11. Program khat guon a um sa hi suk pel lo ham ham guot ding ahi. Hun awng mawng mawng um lo khawp a sem bang I um ua, khen khat chu ni 20 ngah ham ham guo hile ki lawm a sem I um ui. Kuo zawk a effective zaw dem?
12. Khawmpi apat hin ministry a mat ding package/budget bangmah a um thei puoa, lawh I kipiek uh hi ahi mai hi. Haksa leh ki ting lah tak kawm a a sep u chu ahi mai hi. ministry a mat ding khawmpi’n budget siem tel thei ta leh pha lo ahim?
13. Counseling bawl thei hi I gam a semtute lak ahin a tawm ta luo a zie hi le I chauh nau khat ahi. Workerte hi preaching, counselling hi I bawl thei guot tei ding uh ahi ziek chu sapchuom I vak nau pipen chu preaching ahi ziek in.

Worker Seminar a pangte:-

01	Evan. Paukhomang	16	Pro.Pastor P. Thanglalmuon
02	Pastor Khailalsiam	17	Mr. Soipi
03	Rev. Mangkhokam	18	Miss Chinboi
04	Rev. K. Siemlien	19	Pastor Th. Mawia
05	Mr. S. Lienpu	20	Evan. H. Lamgin
06	Mr. P. Suona	21	Mr. V. Gena
07	Rev. Khaitinthang	22	Mr. Khawlneihthang
08	Mr. Paubik	23	Mr. Letkhokam
09	Mr. Lienminlal	24	Miss Khawlzanieng
10	Mr. Kamlalsang	25	Mr. Kaizomlal
11	Mr. Lamthiengin	26	Mr. L. Kamcha
12	Mr. Lalpu	27	Mrs Chongboi
13	Mr. Lientinlal	28	Rev. T. Siema
14	Pastor T. Doukap	29	Pro. Pastor Mangneihlal
15	Miss Bawineu	30	Rev. Henkholien

Thu genkhawm aum lâk chawm haw:-

1. Thugin diklo hetna ding chun adik hoih tak a het apawimawh hi (1 Pet. 3:15). Doctrinal sermon ti chu Trinity, Baptism, Rapture, etc. haw hi gen zel ding ahi. Mission nasem ten Bible hi I matchak ahi ziek in hahpin he guo chiet leu hin phan a.
2. Gingtute cheng cheng hi thugen ding a guot ihiu a ESC worker te cheng hi thugen thei I hi vek ding uh ahi.
3. Thugentute din expository preaching hi apha pen a, gen khelh umlo pen ahih ziek in zuih chiet din apha.
4. **“Lalpa na thadah tak a sem mi chuh hansie dawl in um hen...” (Jer.48:10).** Semtute hin taima tak a sep ding ahi. Thupukna pawimawh i lak ding phat leh advice mi luite, thagaumite haw apat lak ding ahi. Akan gitloh ziek in Israelten a thuok lawh ua, zeguol chun khat ziek in sapchuom in le thuok lawh thei ahi ziek in ching thei hi tiu.

Nathanael, thil kitheng he thiemlo, chiehdan lui leh guollui thil tuchak, ngaihdan kulmut tak nei, himahleh pawikhawihlo mi ahiu.

Theipi bul a Pathien thu ngaihtuoh a um kha tunung leh thahatna hun nei dinga thupukna thutiem Isu'n a piei. Amah kha mivantang thip hiet hiet mi, hi ziang lele ginumna a dim, Philip guola puitu ahihna hetlawh loh, a dalthei dingte thuokzo taka um thei ahi. Etsakna dingin, mi hetkham loh, mi nih vak en leuhing. Alpha chapa Jakob leh Thaddai, amau I hetnau chuh a ginumna ahi. Nang uhih thepna ka tuok laia ka kawma um zing na hiu” Isu'n a tii. (Sapchuom memberte leh seppihte tuohsiet leh haksatna a tuok hun uleh lawiupa leh puitute chun taihsan a, kihetloh sak mai ding ahihloh dan a kilang hi). Amau hin thilpiek sangtak a chang puou hi, mi hettheih dinga sep dawle a nei puou hi. Amau hin itthikna neilo (jealous), chunglame list achun a puitu hihnau chuh amasapen ahiu. Mawl thitthet in a sep theih dan dan u chun kipumpiek takin a sem ua, Pathien Lalgama Lalchutphah sawmlenih a chute lakah a tel uh ahi, aziekhuh, Thagau Thiengtho a dim ahih ziek uh ahi.

Puitu ding chun, Thagau Thiengtho a dimna chuh apawimawh a, zie chuh Pathien apat ahi sek hi.

Zie hih puitu dinmuna apawimawh pen ahi a, zie tawbang neilo chuh Pathien in dinmun pieloh ahi. Bible pumpi a a gen uor zing Thagau Thiengtho a dimte chun ginum tak leh gahsuoh takin a sem sek ui tih chuh ahi. Bangzieka khuti lawm lawma chuh mamawh ahi? Ei uhi bang ahim khat in chuh I dim ua, ahi'n, Thagau Thiengtho a I dimloh chun mahni deihdan leh mihiem chitna leh hatna leh mihing guonggalh leh theihdana sem himai ding I hiu. Khutichuh ahihleh mihing a thilhihtheihna haw chuh phachuomlo ahi dem? Phachuom maizen e! Zie haw chuh kizilna hawihtak neih angai a, himahleh Thagau Thiengtho a dima etkawl ahihloh chun Pathien nasepna a dingin bangmah aphachuom puoi.

Numei hileh pasal hileh amau kitei-awng, Thagau a dim, kingainiem a kipumpiekte chuh mi vantang hilele Pathien in a mang sek hi. Gideon leh Timothe guol khan, mihing amah hihtheihna tieng he chuh chunglam thilhih theihna a thuom in a um sek hi. Komiti tamtakte hin nasem ding mi a guot sek ui. Zie a sep ding u chuh bangti'n a hih sek ding u aw? Amau chun mipha bangti'n a he ding u le! Amau chun a hetzing ding u chuh, bang Komiti hileh board hileh Synod hihenla, bishop ahim,

Chamna Aw

minister inle thagau a puitu ding a tel thei puou tih a hetzing dinguh ahi. Zie hi bangkim hihthei Pathien khuta um ahi. Zie thudik hi Mosi'n a hechien hi. A kichawlh hun ding chuh a he a, Pathien mite pui ding, ahiding tak mihing teldawk ding chuh a ngaih pawimawh pen ahi. Ahinla, amah chun zie tawbang mi chuh teldawk theilo ding ahi tih a hezing hi. Mosi chuh a paucham a, "Mihing cheng cheng Pathien chun, a mipite puiding teldawk hen" ti'n. Zie hin bangtienga zillai um ahi ta? Pathien mi tel chuh pauchamna apat hettheih ahi. Zie hih Isu'n a sinsak 12 a telna khah etsakna hawihtak ahi a, Sapchuom masate khan le zie hi ana zui ui.

Komiti ahim Sapchuom puitute chun, Samuel in Pathien mitel a muhdawk guol mah khan mawhpuokna a nei ui. Milien leh lal ahim mi khat mai in a tel ahi puoi. Kipumkhat a Pathien zai ngaka, Pathien deihbang kilang dinga nget a ngai hi. Antiokei khuo akhan Sapchuom puitute chun Pathien nasem in anngawl a paucham in

a um ua, Pathien in Barnabas leh Paul ahun guonsak ahi kha! Kintaka khut ngak loh hi Bible deihdan ahi. Thagau lam leh Bible deihdan subutinglo chuh Pathien deihdan ahi puoi. Pauchamna tawh, etthakna nasatak haw, zie a titna leh takna haw lo hin mihing in khawksakna a nei tak tak thei puoi. Kinawh tak in na sem puoi ting un, Pathien mi muhna ding chun Pathien zai ngak hitiu.

Hotupha leh dik hi ei haw sangin Pathien in a ngaikhawk zawi. Lo neipa kawma chuh pauchama nget ding ahi. Krista sapum a ei haw ei kawih chuh Pathien ahi. Thagau thilpiek hile amah deihbanga hawp ahi. Zie tawbang mi chuh ahi Sapchuom mamawh pen chuh! Zieziekchun, Pathien mi deih leh tel chuh hawl in, paucham hitiu. Mosi guol khan eimau kizil beh dingin kipiei tiu. Sawlchak Paul guol in ei uhi paucham leh Pathien thupiek zil dingin kipie leuhing, Thagau mi numei leh pasal, Pathien nasepna mun awnga semd ing tasam lo ding ahi.

•••

LEADERSHIP & TIME

"Leader tamtak in, 'Hun ka nei puoi,' a ti sek ui. Zie bang suonlam siemte chun lungthim neu a put ziek uh ahi. Mi chengin Pathien deihdan sepna ding hun a nei chiet hi."

By: J. H. Jowet

Chamna Aw

Camper atam zaw'n thupukna asiem thei ua, pienthaksa hungtel te'n le kipiekna thak anei thei ua, kipah aum hi. Upa Henmang, Standing Committee Member in Camp khakna anei a kitha lah tak kawma kikhen ahi tai.

Mun chuomchuom apat eina pauchampihte, Tv. Lalminlun, Speaker hun zui, Camp hun sponsored I.C. lawi-upa Rev. K. Siemlien leh Committee te chung ah Biel thasang in kipah thu ka hun gen hi.

•••

Evangelical Synod Church

WORKERS' SEMINAR 2016

Secretariat

June 22-25, 2016

Thupi:- Thadah lo a, phachuom ngaitaka Lalpa nasep. (Rom 12:11)

Fecilitator: Pro. Pastor Mangneihlal

- ✓ **Seminar hawna** : Upa Th. Mangngul, Chairman ESC.
- ✓ **Seminar khakna** : Upa Dr. L.S. Gangte, Council Chairman ESC.



Resource Persons

1. Rev. Thangkhoiem, M.Div. Director E.S.C.
2. Pastor Lalsiem, M.Th. Area Pastor Saichang Biel.
3. Evan Paukhomang, B.D. Secretary C.K.K.P.

Subjects

- Effective Ministry
- Study about cult group
- Homiletics

phei ua, Phaijang a kikhawp khawm kit ahi. **1st June, 2016** nitak in Muntha a kikhawp ahi a, Pangen Khanglai te'n ei hun zui nalai ua, hulumtak leh nuomtak a hun mat khawm ahi.

Tuilet lai himahleh, vangphat um tak in khuo ahung pha a, Tuilang a pum a galkaih ahi a, Pangen, Phaijang, Muntha apat lawiupa mi 12 hiel in Tuilang chan ei hung thak ua, kipah aum mahmah hi. Tuilang ka tun uleh Siempat apat mi nih ei dawn ding in ahung ua, Siempat Camp a meh ding dal leh thau neu khat ka puok ziek un, Pangen leh Phaijang tangval te'n Siempat chan ei hung thak tung ua, kipah aum takzet hi.



Luongpi Biel a Standing Committee leh Biel KKP Committee te ana tung masau a, Siempat a Camp mun ding haw ana sufel ua, **2nd June 2016** nitak in Upa Kaikhomang, Chairman, Biel KKP in Camp hawna anei a, camperte gieklut ngal ahi. Camper 48 vel abul tung in ahung tel ua, mahleh a tel tum zolo mi thum/li vel tihloh adang cheng chu hawih tak in atel tum kei ui. Khuolum lai ahieh tawh thosi tam lai ahieh ziek in haksa thim mahleh Camp chu lawhting tak a mat zawh ahi. Camp sung cheng standing Committee, Biel KKP Committee leh Siempat LCC te'n tuonvaihna feltak in ei bawlsak ua kipah aum mahmah hi. Meh ding leh anchang ahung ki taksap phat in Nungba a anchang puo kawm himahleu, Siempat te'n mehding ak (chicken) leh anchang ahun tuok ua, amau chung ale kipah thu I gen ui.

POLY CARP

Bishop Poly Carp Cghanchin Chaawkim (Martar Thu)



- Evan. Lamzagin

Isu Krista nungzui ginum Bishop Poly Carp (Martar), athusim kasim akipat in ka lung akhawih amahmah ziekin, "CHAMNA AW" a hin ka hun suoh mai ahi. Asimta cheng Lalpa'n Poly Carp guol in, Isu Krista nungzui ginum ding in vangsak chietta hen.

Boruok chu a sangto zel a, Smyrna khuo Bishop zah umtak Poly Carp chuh mat guon police in ahawl zing ua. Zie khuo a Kristien khenkhat chuh etnawp suohna mun ah thah ahi tau hi. Tichun a hotupa'u thah guon mipi akisalah zing ui. Poly Carp chuh khawpi taihsan in a lawite buk ah akisel a, Sepaihte'n a umna ahung tun mau in buk dang ah akichawn a. Sapchuom puitu putek Poly Carp chun thih alau hiel puo a, amah chun khawpi taihsan le a ut puoi. Mahleh amah athih chun Sapchuom liengvaih ding a lauh ziek un, a lawite'n kisel mang dingin a pawng nawh uh ahi. Sapchuom siet ding alauh u chuh a het loh ziek uh ahi. Police te'n akiselna buk masa a tun uh chun, buk ngaktu suok

naupang chuh Poly Carp umna dawp dawk guon nasatak in a sawisau hi. Bishop chu mat ngei guon a kiselna buk chu chingthei tak in a huolkit tau a, Poly Carp chun taihdawkna hun lem chang nei mah leh taih dawk a nuom puoi. PATHIEN thu thu ti'n a lung a gel zaw ta a. Amah mat guo tu te chuh zinpha guol in ana bawl a, nekding te a pie tai. Dakkal khat (1hour) pauchamna hun piding in a ngen a. Dakkal nih (2 hours) sung apaucham hi. Amantu khenkhat te chun, khutibang a teksie feltak vak mat chuh khawk asa mah mah ua, Smyrna khuo zawtna lampi ah policete chun Poly Carp chuh a holim pih ua, 'LALPA Kaisar' vaktih zieng leh a kawm a gimlim vak hal mai chuh bang ahi a khawkna um ti'n a them ua.

Chamna Aw

Zie haw bang ahih loh ding zie chuh Poly Carp chun phatak in ahih mai hi. Rom thu neitute chun Emperor chitna thagau chuh van a hung kipan ahi tih ngaih dan mipi a sinsak ui. Rom mi a tamzaw chuh Pathien tamtak ho ahiu hi. Emperor ahozing ule amau adin thil haksa eipuoi. Nam a ding a gin-um nan a ngai ui. Himahleh, zie hi Kristiente'n milim hona'n angai ui.

Kristiente'n Rom Pathien'te leh Emperor chuh aho nuompuou a, In ah le munthip ah Krista a hosek ziek un, mi tamtak chun Kristiente chuh Sakhuo neilo guol in angai ui. Smyrna khuo a mi te'n, Kristiente matguo a avak viel lai un, *'PATHIEN um ginglo tute sukbeih ding'* ti'n a kiko ui. Kristiente chu milim hona kut ah a tel kha ngei puou hi. Kithawihna thil le apie ngei puou hi. Zieziek chun, gam lungsietna neilo, PATHIEN zah lo a ngaih ahiu ui.

Mipi lungna a um hawn Smyrna etnawp suoh sek namun ah Poly Carp chuh apui lut ua, Bishop teksie takmai chuh Rom gam puotu chunle a zah mah mah mai hi. Pilat guol deuh in ahih theih

chun, thil hih dah umtak chuh pumpelh a ut a, Poly Carp chun kithawihna gimlim hung pie mai henla, mipite chu kikhen vek mai ding atiu hi.

'Hepu, nakum tamna maihi azah um hi. Kaisar min in kihaksiel inla na lungthim theng in. PATHIEN ginglo'te chu beimang uhen ti'n gen mai in,' ti'n gam awptu chun a them a. Gam puotu chun zie PATHIEN ginglo Kristien'te hi kizuksan a, amah ki hukdam dingin Poly Carp chu a zawl ua, himahleh Poly Carp chun amah musittu mipi lam chu a nga a, a kawm uh ah "PATHIEN ginglo'te bei mang mai uhen," a tia.

Gam puotu mah chun, *'Kihaksiel mai in, tichun hun thahdawk ingka, Krista chu gensie mai in,'* ti'n a them kit hi.

Bishop vang chun kizuksan a guo hiel puoi. Kum sawmgiet leh kum gup(86) sung a na ka sep sak pa, ka chung ah phalo lam in bangmah a hihkha puoi. Ka Hukdampa ka LAL chuh bangtin e ka giensiet theih ding?

Poly Carp hi Sawlchak Johan kawm a zilzo ti'n thu guichin in ana gen hi. Zie chuh ahih chun

Chamna Aw

ding chu *Siempat* a mat ahi. Phailien, Muolnuom leh Jiribam a ding chu *Jiribam* a mat ding tih ahi a mahleh Jiribam ahi paisa taksap ziek in postponed phawt ahi.

India Coloboration (I.C.) te'n ₹ 35000/- ahun piek ziek ua, mun nih a Camp hi ki mang thei ahi a, I.C. lam a saitua lawiupate Rev. K. Siemlien leh Committee te kawmah kipak thu ka hun gen ui.



Pangen a Khanglai Camp hi **26th May, 2016** nitak in Upa K. Zawlp, Biel Chairman in Camp hawna anei a, camperte gieklut ngal ahi. Camper 121 ahung lut ua, camp sung cheng chu mi thum vel tihloh a dang cheng hi atel tum kei ui. Camp hunsung cheng hi Biel Standing Committee, Biel KKP Committee leh Pangen LCC te'n tuonvaihna feltak in ei puoksak ua, Pangen leh Phaijang Nute'n thing le tui, Tangnuom Nute'n meh ding nachanggai ahun hawl ua, kuomah a um thim thei pen umlo in mat ahi. Camperte ading in Nu leh Pate'n vawk ei thahsak kit nalai ui.

Camper atam zaw'n thupukna asiem thei ua, piengthaksate'n le kipiiekna thak anei ua, mittui pum a ngaihdam kingen bang, khut kitutuoh a I gam lungsiet um a Lal Isu ngabang ahung len kit a, gam leh nam damna ding a Khanglai te'n panthak la nuom a paucham khawm chu anuom namaizen e!

30th May, 2016 nitak in Phaijang te ahung phei ua, Pangen Ho-In a kikhawp khawm ahi a, **31st May, 2016** nitak in Pangen te ahung

VAN KHAWPI CHUH

London city: Mel 20 sq. Mihing maktaduoi 8 achang ui.

Zie hisap dan chuh tua khawvel a mi cheng cheng tuk leh din awn 3 a hisap in, van khawpi achun tuk leh din awn 67,500 dawl dinga hisap ahi.

Rev. Lalsawma: Van khawpi mel 1500 sq (ching 12000) chu asan lam mel khat dan zel ah asawng kisiem leh mel 1500 kuolsung khawpi'n sawng 1500 a chun

asunga mi a dawl ding zat chuh belhkhawm in tuk leh din awn 67,500 hiding ahi.

Zieziekchun, laphuok pa'n mun a awng nalai hi, Lalpe'n guolvakna ah, hun chielkhawm unla, amun hung dim hen, hun puikhawm un, mun a awng mun a awng," ti'n ana gen hi. I genteu haw cheng hi I maban ahih ziek in zie lam zuon a chu lungmuong tak leh thalawp taka ma sawn thei di'n Lalpa'n simtute cheng cheng vangsak ta hen.



**EVANGELICAL SYNOD CHURCH
TUILANGKUOL BIEL**

Khaglai Camp Report

-Pro. Pastor Mangneihlal

1. Camp Speaker :- Evan. V. Lienthuom
2. Camp Director :- Pastor Th. Mawia, *Biel Superintendent*
3. Counselor :- Pro. Pastor Mangneihlal



Tuilangkuol Biel Khaglai Camp hi mun thuma neih dinga guonggalh ahi a, Phaijang, Muntha, New Muntha, Tangnuom leh Pangen a ding chu *Pangen* a neih ahi a. Luongpi, Haran, Chongmun leh Siempat a

Apostle Sapchuom tawh kizawm, ana dam umsun chuh ahi. Kum Sawmli (40) vel chiehta, Poly Carp Bishop ahih tung lai in, Sapchuom pa Ignatius in lehkha a thak a, Philippi mite kawm ah amah ngei in Poly Carp hin le lehkha athak hi. A lehkha thawn hi amah phuok dawk, lehkhathak pha penpen hi ki mahleh, amah sinsak'te sinsakna chu lehkhathak ahin a gen sawn hi. Anung lam a mithiemte'n ahih guol un, Poly Carp hin Thu Thului apat hin thil a sut ngei puohna a chuh, Apostle leh Sapchuom masa puitute thu ladawk in Philippi mite a sinsak hi.

Martar a a thihma deuh a Rom khuo Bishop tawh Easter mat chung chang gen fel dingin Poly Carp chuh Rom khuo ah a chieh a. Gendan khat achun, zie chung ahin Sinsakna diklo puitu Marcion, Setan cha masa ti a agen hiel utawh a kiniel ui. Apostle sinsakna a gen chien a pat in, Marcion zuitu mi tamtak chuh, ginna lam dik ah a pui kit hi ti'n a gen ui.

Poly Carp a pawimawhna lientak chuh thu hetu ginum a hihna hi

ahi. A nunglam ah puitute chun a thiemnau mang in hun haksa a tuok sek uh ahi mai thei. Hile-le, Poly Carp hun lai chun thildang sang in ginumna a pawimawh pen hi. Amah chuh thih chan in a gin-um tung zing ahi.

Amah athahna ding uh etnawp suohna mun tieng in gam puotu leh Bishop chuh aki them zel ui. Hunkhat chuh Poly Carp in hiti hin thu dawngtu chu aho diek a, *"Kuo ka hih ei he lo na hi maw? chun gunchuh tak in ana ngai tha'n Kristien ka hi. Kristien sinsakna hetchiet na nawp chun, ni guot inla, zie hun achun hun hilh chien ing ka."*

Chun gam puopa chun, gam sahang lak a paih dingin a vau a. Poly Carp chun, *"Hun puita, zie hi thilsie thilpha a kithenna ahih chun ka pawm hi. Mahleh, thilpha asie zawk a thenna ahih chun ka pawm puoi."* Ati mai hi.

Mei a hal dinga a vau uleh, Poly Carp chun *"Nang mei hi dakkal khat chauh a am a, athi kit zieng a, himahleh, vaihawmna hungtung ding mei ahih chun kumsawt in mit puon a."* ti'n a dawng ta mai hi.

Atawp chun, Poly Carp in aginna a ki zuksan nuom lohthu a phuong ta a. Smyrna mipi'te chun, "Zepa hi Asia gam a Sinsaktu, Kristien te pa, ka pathien uh ho lo ding leh kithawihna bawlo ding a mitamtak sinsaktu, ka pathien uh susie tu ahi." ti'n akiko khum tau hi.

Gam puopa chun Bishop chu hallup dingin thupiek a siem tai. Hallupna dawhkan chung ah a kanbek tau a, mei in a hal tau hi. Himahleh, mit ngei a mutu chun agen dan in, ATAKSA CHU A KANG BEI THEI PUOI. Sana leh dangka thik, mei in akang beih theihloh guol leh changthak kangtu in changthak a kang gawt bangmai in, meipi lak achun a um zing mai hi. Taksa kangsie muh ding aum puoi. Sathau gimlim, a mantam chi, thil kihal gimlim chi

hileh kilawm tak kanak ah ka hip lut hi, ti'n a gen hi. Athat tu chun, a taksa a vak sut leh thisan ahung pawt a, mei chuh a sumit tai.

Lalgam dung leh vai ah Kristien kipawlkhawm haw kawm ah, zie chanchin hi thehzak in a um tai. Zie guol chanchin chuh Sapchuomte'n a lul sak ten tau ui. Martar guh leh amah hetzingna thil khat bek kawih phat a ching pan tau hi. Ahinkhuo leh a theihna teu le limbawl aching tau hi. Kumcheng in February 23(Vulte) chu Poly Carp van hinna a pienni ding in anit tau hi.

Poly Carp athih nung kum zabi khat leh a kimkhat sung in mi za tamtak in gin-um leh hangsan tak in martar a chang ui. Smyrna khuo Bishop thu hetu ginum chanchin hin mitamtak chu a chawisang in a suhat thak hi.



NGETNA

I Sapchuom in Hukdamna thu leh Kristien hinkhuo ngaikhawk in, Camp, Crusade, Seminar leh Program dang dang siem in pan I lau a, theihtawp suoha pan I laknau haw hih Lalpa'n a vangsak ziekin, Lopina Pathien chang henla, akawmah kipathu umhen.

Program chuom chuom, Local, Department, a Biel leh apumpi huopa kisiem cheng hih alawhtit theihna dinga pauchampih a, I pantheihnau lampi chieta panla dinga nget I hiu hi.

THIH HUN DING: Bible in a gendan chun thihna chungah mihiemte'n thuneihna a nei puou hi. Zieziek tak chun ahi kigin ahaksatna chuh (Eccl.8:8). Malai lengte leh mi hausa taktakte'n thih hun ding ana hah buoipih ui. Thih hun ding chauh le hilo in, thawhkitna ding chan ana buoipih sek ui. Aigupta lengte a thih tieng uleh lenglukhuk leh mawlhte chuleh a suokte tawh ana vuikhawm sek ui. Aziiekchuh, a hung thawhkit kit leh apawimawh lenglukhuk mawlh leh a sawlchak ngal theih dingin a suokte tawh a vuikhawm sek uh ahi. Mihingte'n I dam kum zah ding leh thih hun ding hi I he nuom tho nau a chuh Pathien in pha ei sak sak loh ziekin ei na hilh puoi. David inle, Adam chan ding ana dawng hi (Ps. 39:4). Pathien in Hezekiah a dam kum zah ana hilh a, hinla zie sung chuh kipahna'n a mang puoi. I he nuomnau a chuh Pathien in ei na hilhloh hi kipah um tak ahi. Sawlchak Paul in chuh Pathien thagau in a hetsak a, ka tawpna ding chuh ahun ei tai ti'n ana gen thei hi. Thagau mi kimkhat chuh Pathien in a hetsak, a Inkuote tawh phataka kitha thei le ana um ui (2 Tim.4:6). Sawlchak Paul inle thil

bangkim a guotfel kei a, a thihsan hi. Hinla, thih hun ding henuom na zawng le Lalpa'n ana hilh diek puou hi (Ps.119:84).

APIENG LEH THITE MINKHUMNA (BIRTH & DEATH REGISTRATION)

Khawvel sawlkalte'n le amah gamsung/state a mihing zah, a piengzah leh a thi zat hetna dingin min ziklutna Office a nei chiet ui. Tu a mihingte kivapuok dan hile Pathien vaihawm dan (system) I laksawn zel uh ana hi zawi. Pathien in khawvel a pieng cheng cheng min ziklutna leh thi cheng cheng record chuleh gingtute piengthak zah leh thizah hawihhtak cha'n atiemteh hi tih Bible in ei gen hi (Ps.87:6; Rev. 20:15). Gingtu cheng cheng a thih tieng van thumna lam Pathien chenna lama chuh vansawlchakte'n a puieh ding uh ahih ziekin, Amin, Akhuo mun leh hun chet Pathien in a neih vek kiphamawh ahi.

VAN KHAWPI'N EI DAWLNA DING UM

Thuphuon 21:14-17 sunga van khawpi letdan hi neu ka na sa sek a, ei dawl ta puo'n au ti'n ka na gel kha sek hi. Zieziekchun, tuni hin ei dawl ding dan uh gen nuom I hiu hi.

(v) A thihnung uchun, mun nuom zaw leh pha zaw mu'n a kigen chiet ui.

Zieziekchun, thih hi a na puoh a, thih hi nuom tak ahi tih hi, a thisa leh hung thi zel dingte pawmdan chuh ahi.

(2). Reader's Digest Report: 1974 March 23 in Victor Solow chuh Exercise ava tai a, lungphut chawl in ahung buoi ta a, tichun, a sophu talo in a chawlta a, minute 23 sung a thi a, ama'n a gendan chun, ka khawhetna umsa cheng abei ta a, hetna thak maktak mai ahung lut a, ka hetna masa leh nunung zawk chun, kitimatna him him a nei puoi. Ka het ngeiloh keimah thu hilo in, ka lungthim chuh ahun luoh phut mai hi, a tii. Chun, thihna hi a na puoi tih a genchien hi.

(3) Rev. Clarence Larkin: (Righteous soul during the first five minutes after death).

- (i) Thihna abaihlam dan ipmu hung khanglo tawbang phet, ihmu I hung khanlawh kit tieng khawvel haihtaka um mai to bang phet hi ding ahi.
- (ii) I nutschie ding taksa manloh dan leh I vak neih thak ding taksa a zankhai ding dan leh a thupi ding dan (spiritual

body v/s physical body).

- (iii) Gamnuom leh thupi tak zuona zangtaka ei puitu ding vansawlchakte tawh thanuom taka, nisa sanga le vak zaw lam zuon a zin ding, anawp dan, hinna thing leh hinna luite umna mun zuon ding thatlawp aum dan.
- (iv) Khawvel thak lungsietna ngawt a chenna ding, gamnuom, kiniel kinak, protest umlohna leh Bill 3 zieka kimelmakna umlohna gam, a new home, thienthona thupi ngawta nei ta ding I hih dan.
- (v) Isu I naih tau, Amel mu nailo mahleng zie haw cheng chun, Isu umna chuh ka nai huoi huoi tai tia tun ding ngaklah.
- (vi) Khensate leh ngaihte tawh kimuhtuoh ding, en hezieng kilengle ei puitu vansawlchakte'n ei kihettuoh sak ding, amau haw chun ei na muok ding ahiu tih kihe ding ahi.
- (vii) Zie gam a dinga gamthak ana sat pa masa Patriarch, Prophets, Apostles, Christian leaders te tawh kilam tuoh ding..

Zie haw cheng hi ei vuite'n azawh man a, I na experience ding ngen ahi tai.

THIHNA APAN A SUOKCHA



Thangkholal K. Gangte

Pathien in Krista ah mi cheng cheng suokchakna/Hukdamna butinga pie a, a gitlohna teu kisik ding leh Lalpa Isu Krista chu a hukdampa apawm ding leh Pathien deih dan hung kilangte chu zawpa, Amah entawna, kingainiem tak leh thiengtho taka hing ding in thu a pie a, Krista Isu chuh gingcha a, Amah thu zawptute chu suokcha, hukdam, gitloh ngaihdam, thiemchan sak, kumsawt lopina, Pathien cha hihna, thagau thiengtho chenchilhna(indwelling spirit) a chang ui. Gingtu diktakte chun tu damsung ngei hinle hukdam hih ki hetchetna a nei ui. Thagau thiengtho nasep hetchetna anei ui. Thagau thiengtho lungsietna nasep hin thu sinsakna sakramen leh pauchamna haw hi matchak in a nei sek hi.

I. Hukdamna chu a thawn piek ahi: (*Isaiah 55:1-3; Eph. 2:1-10; matt.10: 5-8, sim hitiu aw*)

Krista a chun Pathien in mi cheng cheng kawmah Hukdamna bukim a pie a. Pathien in a thawna ei hukdam dan lopi zie hi genkham a ting hi. Mihiem suola beimang mai ding a hehpihna a ahukdam, a chapa changkhat neihsun a hun sawl mai hile a lopin a mak mah mah hilo maw? Zie ding hin mihiem in bangmah piek leh senso a nei puoh a, athawn in ei hehpiha, ei hukdam ding in a chapa changkhat neihsun a hun sawl hiel ahi (Tatna thisan luong lo in suol ngaihdamna umlo).

Chun, Pathien chapa mihiema a hung pienna mai hile aman piek ding hileh pieksen ding guol hi puona. India gama leng (King/Raja) lien taka analal haw ahihnau sukniem na ding khanle lengkhat ah sum cheng maktaduo (million) tampipi piek a hui a, Lei leh Van a Lalpen, kumsawt Pathien mihiema niem taka ahung pienna chu a man piek ding hileh... atawm loh ding zie mai chuh! Ngaihtuoh zawm zeltie kipahnan na sangthei em? chun, Kross a a hung thihna hile bangzat ei kipie ding hilele deiha, telchi chu hilo ding ahi. Zie a pan hinle hukdamna leh suohchakna hi athawn lieu lieu ahi tih a kilang chiena, mihiem in

a sen bangmah umlo in, kumsawta hinna ei kipie mai hi kuo a (amu/ ahechiente) kipaka genzo thei ding!

Zebang lawma hukdamna lopi hi micheng kawmah manlo in (athawn) in Krista ah Pathien in ei hun pie a, Krista gingtu (diktak) cheng cheng a thawna hukdam/suokecha ding I hih u hih, amak mah mah mai hi.

Athawna thilpiek chuh I lak leh I changa, I lak nawploh leh I chanloh guol hin, athawna hukdamna hile Lal Isu i ginchaka, amah i tela, amah a ikingak chun hukdam in um hiting, a gingchalo, khawvela kinga zawte vang hukdam hi puonau! Mi cheng itih hin kuomah khen chuom a um puoha, namtin, chitin cheng a huop hi.

Khawvela um cheng cheng hin Pathien dan a kalh veka, Pathien a do a, Pathien mitmuh ah 'tinglo' vek ahi. Fel leh kitup kisa lengle, I felna, I hoihna chengle puonsie kihdak um pen tawbang ahi (Isaih 64:6) Bangmah neilo chagah liengvai leh panpih bei I hih zieka hukdamna a thawna ei piek mai hilo in. I hetzing ding chuh 'Hukdamna chu Lalpa a ahi' (Ps. 3:8) Lalpa'n a hun muhthiem theihna dingin Krista ah na vo nasan ngai ahi aw?

II. Gingtu dinmun leh aum ding dan: (Mk. 1: 14-15; Matt. 7: 24-27, sim kit hitiu)

A chungah hukdamna thil tawnpiek i taklang tau a, ' a thawn ahieh leh a changsa ka hita chula' tia ngaihsak talo a thadah taka um zieng a baihlam mah mah a, a thawna piek leh chan hilele a san ding dan leh a chan ding dan Krista ah Pathien deih dan a um n alai hi. A ban ban in vak ensuk hitiu.

A gitlohna(suolna) kisika sim ding leh Lalpa Isu Krista a hukdam-pa a pawm (accept) ding leh Pathien deih bang hung kilang chuh zawpa amah entawna (a hih bang bang hih a) kingainiem tak leh thiengtho tak a hing dingin thu a piei.

Pathien in Krista ah mi cheng cheng kawmah hukdamna bukim apieki chuh miten a chan theihna ding in a suol(gitlohna) sim in Lal Isu chuh Lal leh Hukdampa a pawm ding uh ahi. Lal Isu entawn in, Pathien deih bang bawl in ki ngaitawm tak leh thiengtho taka ahin diu a hi. Zehin ei hetsak pawimawh mah mah chu hukdamna hi hinkhuo, Krista ginna hinkhuo, hisap dawkchi hilo, hinkhuo thak khawvel in ahethiemloh a hin tihna ahi.

Simna itih hi suol bawl bawl zawm thei talo tihna ahia, ze simna hi Lalpa Isu ginna leh hinkhuo haw a chuom chuom in lang thei lele, lakkhen theihloh, akawpa (a lawma) um ahi. Gitloh, kisikna (simna) hin

apawimawh hi. Dan leh I tih sung ua hi vaigeitheh I hui a, a vaigeihma a panla chiet dingin pauchamna tawh pangin, ei mau Insung dinmun chiet en-thak hitiu. Adiekin Insung a Nulepate'n

Insunga I mawhpuoknau hi hengilh lo in Inkuon-sie hiloa Inkuon kipumkhat leh kilungsiette, pangkhawmte tia het I hihtheihna dingun Lalpa'n ei vangsak chiet ta hen, Amen.



GINGTUTE THIHNA CHUH



By: Evan. Paukhomang

Mi cheng cheng dingin thihna chu I maban chiet ahi. Himahleh, thih hun ding ngaihtuoh chuh kuomah a di'n thil thatnawp um ahi puoi. Bible in chuh damsunga nuomtaka um chiet chuh pha asai. Himahleh, thih hun ding hile khatvei vei geldawk ding pha asak lam ahi (Eccl.7:4). Theologiante kidawng leh thiha chuh taksa leh thagau kikhenna ahi, ti'n ei dawng zieng in au. Khutichuh ahiehleh taksa leh thagau kikhen chuh bang tienga haksa ahim, tih vak gen hitiu. Adiek in tunia I gen nawp chuh gingtute thihna ahi.

AHAKSAT LOH DAN: Pathien gingchate, amah a hinna nei ta te ding chun thihna hih lauh ding ahi puo a, nuomtaka ahi tih a hekha te'n a gen chiet ui.

(1) Dr. Elizabeth Rubler Rose: Zurich University a M.D. passed, America Psycholoist Doctor in research a bawllai a, mithi hung tho kitte apat thu chuom chuom a lakkhawmna apat a thu muhdawk chuh:-

- (i) Mithi him him te'n a thih laitak a hechiet ui.
- (ii) Thih nunglam hinkhuo tep khaphawt in hin kit utna a nei puou hi.
- (iii) Thih nung lam ding va mu vietvuot ta phawt in le thih ding him him a lau puou hi.
- (iv) A thi dingte phawt in thawmhau in a kihe ngei puou a, midang thamuontu ding nei dan in a kihe chiet ui.

Chamna Aw

Zie akipat chun Pathien mite chun; Pathien chi chu khangthak hungum dingte kawma nusieh zel ding ahi. (Dannihna 6:4-9, Malaki 2:11-15).

Milopi tak takte a ding inle a kipahna pen uleh a lungkhamna pen u chuh Insung ah ahung kinga sek hi. Puitu hihenla Nu-le-pate hileh, Insung limsakloa Organisation lawhtitna dinga kimangte chun, Pawlam thila lawhtitna nei intin, mahleh Insung lamah gimtheihna huoisie tak tuok ding ahi. Khawvel ah bang tawbanga dinmun sang chang leuhingle Insung hengilhlo ding leh Insung taihsan lo a panlak dan thiem pawimawh mah mah ahi.

Roman Emperor Tiberious chun a mipite ding bangmah a ngaihtuoh puoa; a deihpen leh a tuppen chuh a mipite'n a zah ding uchu ahi mai hi. Zie akipata agah a muhtheih chuh, a thihni a mipite a pauchamkhawmnau achun "Emperor thagau chuh gawtmuna um dingin ka hun pieu hi" ti'n a paucham hiel ui.

John Rockefeller Amah hunlai a dinga sumdawanna lama mi lawhting mah mah chun "**Ka**

vangphatna lienpen chuh ka chapa hi ahi" ti'n a gen hi. Chuleh, a hauhsakna cheng cheng chu a chapa khuta muong takin a pietha ngam hi. Bible a kigen **Abraham** vangphatna lienpen chuh a tuleh a chate, Issaac, Jakob, Joseph te'n anung ahun zuih theih u hi ahi. Khawvela puitu mi tamtakte vangsietna khat chuh a chate, pa nung zuitheiloa chavai hi ahi. Moses chun a nungzui ding in a chapa Gershom tel sangin Joshua a tel zawi. (Pawtdawkna 2:22). Khawvel khangthusim etin mi tamtakte chuh a nungzui thei cha nei tamtak auma; a nung zuitheilo cha nei tamtak aum hi. Billy Graham chu a chate leh a tute'n a nasepna phatakin ahun sunzawm thei ua; zie hi a lawhtitna thupipen leh a hauhsakna lopipen chu ahi.

Nu-le-Pa tamtak chuh khawvel thila mawhpukna haw, Kham/service ahim, Sapchuoma dinmun haw zieka cha-le-naute enkawl manlo leh hun pie manlo tamtak aum thei hi. Khawvela milopi tamtakte'n le ana hihkhelhnau leh a lawhsapna mun uh ahihdan he zing kawma panlak thak chiet

Chamna Aw

Lal Isu a puih lut loh chun (ginna ah) Bible in a gen 'suol simna' atih hi ahi puoi. Mihiem le Isu tello in ikisik thei u hila! Pathien thun suol simna atih hin Lalpa Isu ginna ah a puilut a, a hitakin miten Lal Isu a ginchakna ziek un suol a sim sek ui. Lal Isu gingcha tak tak ten van gam a tinglo ding suol aneihteu (mihiem lui leh a thilhih teu, huoihamnate, pha kisaknate, awhchaknate, mihiemlui thil ngaihsan haw athihsan ui) Thiengtho takin a hing pan tau hi. Suol simlo a thagau mi banga hin guoten Thagau thieng gam (Van) leh mihing lui (leisiet) gamgi a hechien thei puou, puitu Thagau thieng in a chenchilh loh ziekin. Suol simna leh ginna hinkhuo hi a kikawp ahi I ti ta khah, Miten Krista a ginchak ziek un suol a sim ua, a um dan luiteu, a pau mat danteu nasan a kisang a, hinkhuo thak, tat dan thak, Krista chungnunsak penna kampau in a hung pau sek ui. Tichun Krista

hinkhuo ah a hing tau ahi.

Suol simna tih umzie masapen chuh Lal Isu hetlohna leh taksan lohna haihsana, he a, gingcha a, Lal leh Hukdampa a pawm ahi. Zebana chun thil suol Pathien deih loh bang ana hih cheng cheng haihsana, a deih bang hih tadinga a kipiek hih ahi. Suol hih Pathien do a helna, Pathien ginchak lohna, Pathien sanga eimah ki muon zawkna, Pathien tuka um guotna ahi a, dan bawhsietna leh khawksak loh na ahi.

Zeziek chun, suol sim ding chun 'suol' a het chien angai a puokgik puo ahi tih aki het angai hi. Puokgik puo (suol puo) I hih Pathien in Krista ah a mu a, hun ngak thak sak a nuom a, a hun ngen vul vul hi aw, ki hetloh sak guo kin. Khawvel puokgik hun ngaksaka, Amah namkawl hun puoksak guo ahi, patep ah! Aman, "**Ka namkawl a nuom in ka puok le zangtak ahi**" a tii (Matt. 11:30).



CHAMNA AW PHUNGVUKTU KIBEHLAP

Zie anuoi a te hin Pathien vangsakna sum le pai achanteu mangin, kipaktak leh deihsak takin Chamna Aw ahun phungvuk ua, achung uah Pathien min in kipahthu suklat ahi. Lampi tin cheng ah Lalpan vangsak in amau pui zing ben. Amau haw chub:-

1. Langol, ESC - 5000/- Chief Patron
2. Pu Lama B. Gangte, Langol - 3000/- Diamond Member
3. Agape Children Eng. Jr.H/S. Ithing, Moirang - 2000/- Gold Member

FOUNDATION DET LEH MUONUM APAWIMAWH HI



By: Rev. K. Siemlien

Ling leh khau nawklaka dim, ling hiem taktak kasieusuou leh muntin apat hungdawk lemlum laka um guola sukната um zing, chawlhdamna mun, In le achung kihawkdawk a, achung bei a um, I car neih sunsun hung accident ta, I kinepna haw cheng huihpi'n mutsie ta, bangmah dangin ei thamun theih takloh nung in, a foundation det leh ling ngeilo apawimawh hi.

In, I sak leh a foundation detdo apawimawh hi. Lei thuktak laih a, detdo taka, bangtienga gik le puo zo ding, ding zo dinga sak angai hi. Hinkhuo I tih hih, In foundation detdo taka siem apawimawh guola buldet tak siem ding ahi.

Job hinkhuo I et leh neihlelam, hauhsakna chitina vangsak in a um hi. Zie haw mang chun, Setan in a patep a, huoisie tak mai in a thuok hi. A foundation etcheta aum in, a detdo huntawk ahi. Bangtienga patepna tuok lele a detdo a, a ling lo ahi. A ginna foundation chuh Pathien a thuktaka a ngak ziekin suklin guol ahi puoi.

Lobawlni ahi a, Uz gama chengte laka hausapen ahi.

Belam 7000, sa-ngawngsau 3000, bawngchal tuok 500, sabiltung 500 leh suok tampi a nei hi.

Setan in a hauhsak zieka Pathien gingcha leh ginum hidingin a ngaihtuoh hi. Tihin a gen a, “Na khut thadawk inla, a neih cheng cheng hi vak khawihsak tie, na maikawk ngei ah hun gensie mai in a.” Pathien in a hinna tihloh adang cheng a nawp nawp lawh ding tia thu a piek hin thangtawm tak leh kisiek tak in Job chungah lungsietna beikei in a phawchien tai. A neih cheng a laksak mai hilo in, a chanu, chapate cheng, Belamte leh suokte, sangawngsau haw leh suokte, zieban achun uilut a puma dim, a zi nasan in vauhilh, a guolte apat

le Insung chu a taihsan theih uh ahi diek puo a, Insunga um chu a ut chiet tho ui. Mawhpuokna a neihteu akipata a haihkit nunguh lele Insung chu aum ngei ngei a ana um nalai ding ahi. A nasepna mun u a mite phataka a puih guol un Insung mite le a puih ua; hun a piek apawimawh ahi. **A sepna mun ua buoina haw suknavak tei tei a ut bangun; Insunga haksatna leh buoina haw su-navak dinga nasazaw sema ngaihkhawka panlak apawimawh hi. A sephawmpihteu in zahna a piek theih bang ua, Insung mite'n a zah theih dinga panlak ding ahi. Mipite mitmuha mi thupi (hero) leh mi pahchak kai a um a; zie sanga lopi zaw chuh Office ahim/Nasepna mun akipat In a tun kit nunga zi leh chate'n a lungsiet ua azah theih mite chuh a thupi zaw (champion) ahi.**

D.L.Moody a vanglai tak leh Pathien nasepna a lawhting mah mah a kihet laia, Sapchuom a revival atun zung zung lai leh school chuom chuom thupi tak tak a phuhdawk zing lai in a sukkhelh/failure guola akilatna

chuh, a chapa lienpen Will kiti chu Yale University a a kaih lai in apa ginna chu a pawmpih thei puoi. **D.L.Moody thugen khat chuh “Kei a dinga thil zahchak umpen chuh, ‘Mite kawm ah chanchinpha ka gena, ka chapa'n chanchinpha gingchalo a a um,’ hi ahi.” Zieziekchun, Moody lawhtitna cheng cheng chuh a chapa, a lungsietpen chung a lawhsawp ziekin bangmahlo a hungsuok thei ahi. Moody a dinga akipahna lienpen chuh bang ahung hi ta? A chapa chuh Krista lama a vaikit a, apa nasep ahun kithuohpih kit chu ahi. A chapa'n apa thusim a zikna ah- “Thagau lam a puitu diktakte chun, Pathien deihna bang in a Insung mite a pui hi”.** Organisation khantohna muha kipahna thupi tak aumna khela alopien chuh Thagau lama pititna Insung hungtung zel haw hi ahi. Pathien in Insung mite puihhuoi apawimawhna chientakin a gen hi. (Dannihna 6:4-9; Ephesi 5:22-6:4). Bible sinsakna bang a Insung puitute chun, Insunga lawhtitna lopitak mu ding ahi. (Thuchingte 22:60).

min phatna changte a ding inle, Insung asiet chun bangmahlo mai ahi sek hi.

Cornelious Vanderbilt chu America gama dinga mi hausapen hi'n a thia; mahleh a nuktan ding kuon tiengin a chapa muh a nuom puoi. Atawp atawpin amah leh amah a kithat hi. Bible in agen "Mi'n khawvel pumpi nei henla, a hinna chan ngal henla hileh, amah a ding in banga phachuom ding?" (Matt. 16:26).

Andrew Jackson chu America President laka mi minthang mah mah khat ahia; mahleh a chapa chu sinsakna mumal a chanloh ziekin ngawluoitak mai in apa lamsa cheng cheng chu kintakin a peimangthai hi. Chate dawn manlo khawp leh chate dinga hun pie lo a; thil lopi tak tak sepdawk chuh apha. Mahleh Khawvel GO haw sanga lulzaw chate leh Insung mite taihsan chu, hun nunung lama vangsietna leh mitthi luonna hung hithei ahihdan hetchien chiet apawimawh dan ei sinsak hi.

Andrew Mellon Amah khang hunlai a mihausa khawkheng ahia, mahleh Insung a limsak

manloh ziekin a zi tawh akikhen ua, a chate tawh kitimatna chuh lauhthawngna ngen a dim ahung hi mai hi. Mellon chu ahung hausa mah mah a, lunggimna nasatak a nei a University Proffessor Pittsburgh a semtu Duncan kawm ah, "**Duncan Insung ah na kipak sek em" ti'n a dawng a; Duncan chun Banglam pen ah em? a tih leh Mellon chun Inkuon thu ah a tia, Dancan chun "Mellon, ka kipak mah mah hi," ti'n a dawng hi. Chun Mellon chun khuti chu ahih chun, kei sang in nasatakin na hausa zawi, ti'n a gen kit hi.** Khawvel hauhsakna sanga hauhsakna lopi zaw chuh Insunga chalenaute bittaka a um ua; lampi dik sinsak a, kilungsiettuoh diel diela umkhawm chu amantam pen ahihdan muhtheih in aum hi. Khaile, eimau le kikhuol thak hitiu. Chate sanga ngaihkhawk zawk nei I hui em? Inkuon sanga ngaihkhawk zawk nei kha I hih mai khak dinguh alauh um hi.

FAMILIES/INKUON THU

Khawvel thil leh Sapchuom a milopite (great leader) haw, lawhtitna lopitak tak neite haw'n

niel guolloh haksatna a tuok hi.

Muhtheiha a neih cheng cheng laksaka a um nungin le, Job, a foundation aling puoh a, adet zing hi. A thuokna ziekin bangmah het masak a nei puoi. Aziiek het hileh a thawkdan le um deuh intin, hetthiem haksaka mahleh azie um deuh dingin ginchak aum hi. I chungahungtung thil cheng cheng, aziiek hethiem lo mahleung un, Pathien kawm I tun tieng uleh adawna, aziiek diktak chu het hi ta'n a. Patep tak hiding in kisai tiu.

Mihiemte'n buoina, haksatna apat suohchak leh buoina umlo

hiela hinkhuo mat ding dan, I ngaihtuoh ua, I utcha sek ui. Zie khawvel ahin buoina, haksatna beikei um theilo ding ahi. Thuokna, haksatna'n, Pathien a dinga mi ginum, mantam tak in ei siem thei hi. I thuoknau leh haksatna haw, aziiek het khel khel sangin, Pathien ginchaka, amah a kingak a, amah kawma kituklut a, a zai ngak a, phunchieklo hiela, a chungahungtung thil cheng cheng, aziiek hethiem lo mahleung un, Pathien kawm I tun tieng uleh adawna, aziiek diktak chu het hi ta'n a. Patep tak hiding in kisai tiu.



INSUNG LIMSAKLO NULEPATE (DOMESTIC NEGLECTED)



Rev. Thangkhsiem

Kum 2016 Pate ni chan ei puitung Lalpa Pathien min pahchakin um hen. Tuni tienga Inkuon a Pa tamsamlo a ei pui Pathien pahchakin um henla. Tuni chana ei dampih pate ziekin Pathien lopina chang hen. Pate ni I matnau akipat hin, Insung limsak leh limsaklote dinmun khenkhat enkhawm hitiu. Zie a kipat hin bang tienga Insunga Pate panlak pawimawh ahim etdawk guo chiet hitiu.

Theodore Roosevelt Bang zieka na chanu Alice enkawl manlo khawpa um na him? tih dawtna a siemnaua a dawnna chuh “United States a President ka hithei a or Ka chanu hawihtakin ka enkawl thei hi. Mahleh a nih in ka kawp thei puoi,” ti’n a dawng hi. Puitu hileh Nulehpa hileh zie banga thupukna neitheo loa buoi hi tamtak aum hi. Thupukna siem thei ahih zieka thupukna diklo la le um thei ahihdan ei sinsak hi.

Billy Graham ngei inle zie bang haksatna chu ana tuok hi. Kum 1949 huna Los Angeles muna Evangelistic Campaign a neih uh chawlhkal gietna hun ah, Ruth Graham suohpihnu leh a suohpihpa chun cha a nei gel ua, Billy Graham chun zie nausen chu a muh in, “**Zie hi kuo cha ahi?**” Zie chu a chanu nu cha ahi. Billy Graham chun in a taihsan sawt bek zieka a chanu nu cha neih nasan hephalo ahi. Zieziekchun a chanu nu chuh thasie takin aum hi. Zienung chun Billy Graham chuh kisikin ka damlai hun um nalai haw ah khuolz in awl bawl deuh ta’ngka, ti’n thupha chawihna a nei hi. Zie dungzui chun, a chate khat le thahsuok lo

in a nungzui thei in a siem piting thei ahi. Ana hihkhielta I um inle siemphatkitna hun lemchang Lalpa’n ei pie a, zie hun chuh thahsuok loh ham guo chiet hitiu.

Nelson Mandela chuh, a mite’n zalenna a muhna ding ahih phawt leh ti’n bangkim channgamin a kipiedawk hi. Mandela chun a thiltup a mu a, **Nobel Peace Prize** tieng piekin aum hi. Chun South Africa President masapen dinga teldawk inle a um hi. Mahleh Mandela chun haksatna huosietak a tuok hi. A zi tawh nihvei kikhenna ziekin Suongkul ah kum tamtak hun a manga, a chate tawh hun sawttak kihetuoh theilo in aum hi. Mandela chun kisikna thu a genna a chun, a zi chu lungsiet mahleh a nasep ding chu amsapen leh apawimawh pena a kawih ziekin a kichennau chu a susie ahi, ti’n a gen hi. Insung mawhpuokna hi thildangin asang thei puoi.

Ronald Reagan chun, United States leh Soviet Union kikala buoina lientak um chu suknavakna dingin a kipei a, thiemthei tak mai in a thiemna leh chitna; gama dingin a mang hi. Buoina sukvenna dingin hun tamtak leh tha tamtak

lutin a panga, lawhtitna chu a chang hi. Mahleh apawimawh pen khat, a chanu Patti sukkipak ding dawnlo in a Insung lam thu ah a lawhsam hi. A chanu a dinga hun pie manlo leh dawn manlo a a umna ziekin, a chanu chun sietna lampi chu a hawh tai. Zieziekchun a gama dingin lawhtitna lopitak nei mahleh Insung sutup zolo ahihna chu a hinkhuo a akipahna cheng subeitu ahung hi tai. Gam leh nama dingin a lawhtinga, mahleh Insung lamah mi lawhsam ahung suok hi.

Billy Graham, Mandela leh Reagan amau haw hi ahihnau (position) a a sep ding thuu ah chona lopi tak tak leh amawhpuoknau a a kipumpiekna ziekin lawhtitna khawvel hetkham in a nei thei ui. Mahleh Insung lamah haksatna a tuok chiet ui, tih ding ahi. Insung taihsan/hengilh hiel a pangte haw chun lawhtitna lopitak a nei thei a, aleh lam taka Insung lam a mi lawhsam pen hihtheih ahi tih akichien mah mah hi. Zieziekchun mi cheng cheng a dinga hetdinga pawimawh chuh, Khawvel ah bang dinmun nei hi leuhing le Insung lama I mawhpuoknau thengtha ding

aum puo a, Milien leh Lalte, Sapchuom a puitute; Insung a Nu-le-pate zieng le Insung mawhpuokna leh Pa hihna ahim, Nu hihna chu kuoma’n a then theihloh mawhpuokna um zing ahi.

John Adams chuh American colonies sukbeihna dinga mawhpuokna lientak nei ahia, mahleh a chapa Charles chuh thagau buok (demons) nasepna akipat hukdawk lo in khangdawngcha ahih in a thihsak tai, ti a gen in aum hi.

John Rockefeller chu amah hunsunga dingin sumdawng lawhtingpen (businessman) hi a het ahia, mahleh ahuntawp pen hun (a thih dingin) a chanu Edith chun apa va muhloh chu atel zawi. Aziiekchuh pa akipata lungsietna, etkawl na a chanloh ziek ahi.

Warren Buffet kiti chu khawvel a mi hausapen hihna tieng ahungtung to a, mahleh a zi chun achuom a khawksak a tel zawi. Zie mai chu hilo in a chate chun zi leh pasal nei mahleu atawp nau chuh kikhenna ahi, ti a genin aum hi. Khawvel thil ah lawhtitna leh